

Taceoceosu bichəwə



Boa jalodoani bij proletarijsal kamor osogoosa!
НАУЧНО-ИССЛЕДОВАТЕЛЬСКАЯ АССОЦИАЦИЯ
ИНСТИТУТА НАРОДОВ СЕВЕРА ЦИК СССР

N. PAULENKO

Taceoceosu vichəwə

Tugsərəmzi Həzər Boris
Jarsemzi Petrowa T.

Prof. Dr. P. Šmita
dāvinājums,

Iav. 31678.

P A R T I S D A T

M O S K W A

1 9 3 3

L E N I N G R A D

Ответственный редактор **А. Лынникс**
Технический редактор **Э. Блейх**
Обложка работы **Ю. Слепин**

TECNOLOGIA BIBLIOGRAPHICA



88248

ФЗУ им. КИМа Тип. Номинтерн
Красная улица, 1.

Bichəwə otoləsij gərən gurusəlisi,
kultura ana gurusəlisi kommunista
hopambani angomı acası.

Lenin.

Taceoceosu bichəwə.

Əsi balzij najdu bichə hacini — dai 3aka. Bichəwə otolij naj bichələ hajwa-də-həm mənə bij udəni sari, nadu haj-da biwəni, muədu haj-da biwəni, hajdu haj-da biwəni sari. Bichələ həm saori: goj golodu haj-də-həm biwəni, buə SSSR dolani hajwa-da angojwani — həm saori.

Daişadu əgzi niruhə, əgzi ajşaṇawa bichəwə otolij naj niruhəni honi-da sinəzi 3ovoj naj, usimvə 3ovoj naj, purəmbə pulsij naj, oronzi balzij naj, sogdatazi balzij naj əzən biduəni bicimbəni. Honi manga soremi, honi əgzi sinəzi naj səksəni həihən əzən geanzini soremi, səgzən hətəguhə, angohani səgzə geambani.

Daişadu gazetadu niruj hajwa-da səgzən geani partijazi vojgomzizii 3ovoj naj, kolhosajka, gərən ehondu bij naj, zuləsi ulən vipuguəni angojni. Daişadu gazetadu niruj hoş səgzən geani bichəzi, masinazi bələcimzizii ango-

gojni gərən naj bıpuguəni, poktogoani, nawa, muə, mowa, goj-goj ɳazahowa həm məncimalen opoanzini. Cəzi gərən hopan balzegoani. Daňsadu, gazetadu niruj zawoda, fabrika, koltosa zovojwani hoq ulən, tərək opoambori.

Həm zovomva zovoj naj otsoleasi osini, ɳoani ulən bələcimzi səgəzə geambani omi mutuəsi. Gərən naj gəsə ulənzi bichəwə taceoceori, gərən naj həm otsolegoani, turgələuri həm aŋgogoari sikun hopamba. Pakcezi bici gurusəl turgələuri sikun gean baroni pajpogoari bichəwə taceoceosu.

Əzən geani zovoj sinəzi najwa pakcezi bıwənki.

Əzən bıjni ərindu zovoj sinəzi najla bichəwə otolij naj oi bici. Cala-da zovoj sinəzi naj orkinzi balzij.

SSSR keradoani balzij gurusəl əm mengandola bichəwə holami, nirumi otolij naj təy nadan naj bici.

Əzən geani zovoj sinəzi najwa əcə taceoceanda bichəwə otsolegoani.

Skolawa əgziwə angoasi bici. Taceoci najwada goro boadu bij naj baroni ənəwəndəsi bici. Naj pakcezi bini əzən geandoani bajan guruəndu, hoda guruəndu ulən bicin.

Bichəwə otsoleasi naj-da əmutu balij naj. Bichəwə otsoleasi naj mən gəbuj saraci, tujtul ɳələmi

bicin. Təj gurumibə mənci dahaomi za bici, argalaom-da za bici.

Cadu hoda gurundi cu ulən bicin. Təj naj pakci guruəmbə singərəjni, sejaktawa-da 3azi gazi, məpi laozelaoŋzi za turinzi, bosowa manga tamanzı hodasij bici, arakewa omewanzi bici. Tuj argasi bici, zovoj sinəzi naj vəzi sinəzi olohana, hoda gurun singərəptəŋgini ocici.

Oceza kaltaci sikun nuktəj gurundi (loca najdu) pakci guruəmbə argalajduci za bici. Noanci saril bici pakcezi bij gurun ŋələjwəni, otsoleasiwani.

Uj-də ɻoambaci bələciəsini. Hajwa cehalaj, hajwa taj bici. Ulən erga, ulən usəltə boawani mənduj zapaj bici. Pakcezi bij guruəndu hajda ava ocogojzini, duəntə docini, namu keraceani cocaj bicin.

Balapci ɣaŋgensaldo pakci gurusəlbə horoŋkerodoaci za bici, albamba gažiduci-da za bici. ɣaŋgensal əgzi albamba zapajl bici — albandu, mənduj zapajl bicin. Tuj tamari bajankeci.

Pakcezi bij gurusəl cawa haŋgisila tajci osini, ɻoambaci tojkanzi, laodu nəri, meocalaj bici.

Əzən geani skolawa oewa angoj bici. Goro boadu bij gurundi skola oi bici. Cadu loca həsəzinə taceocij bici. Naj valzəha həsəzinə əcə taceocera. Naj valzəha həsəzinə bichə ava bici. Naj ɣiwarenkini taceori najwa loca backasal

bici. Təj ərindü taceoceori daňsadu ənduriwə, əzəməvə, niruhən bici. Olboaci bici ehon najwani meo 3okceani pulsiumi, 3aňgensal hajwa-da unzini oseni, morewasi. Əzən geani murucihəni: təj ərdənzi ocezea kaltazala bij golosal mənə həsəj omvoj, əzən geambani dahalaj osi.

Sowet geani SSSR keradoani bij gurumibə kulturəzi bipugəni aňgojni.

Pajkaňko bealani 1917 ajşaňadu 30voj sinəzi naj geamba 3apahani. Sowet gurusəlni Lenin həsələni sikun biuri poktowa aňgogojci. Bichəwə otsoleasi najzi sikun hopamba angomi murucimda acasi bici. Cado Lenin vəjəzii unkini: taceoceori bichəwə nucikənziəmbə malen-da biəsi, dai najwa taceoceori, həm sowet boadoani biwəni.

15 ajşaňawa bimi sowet geani həm SSSR dowani sikun (kulturəzi) biuri poktowa əgzi aňgohani. Sowet geani gərən naj həm taceoceori geamba aňgohani—nuci naj husə, əktə 3apkon səzi ujsi taceoceori. Mengə skolawa, məngə tehnikumba aňgohani, 3oan ajşaňa taceoceori skolawa nihəlihəni, tangozı uwuj skolawa nihəlihəni. Həm SSSR dolani bichəwə otsoleasi najwa həm otoledola toceoceori.

Oi biəsi SSSR sowet geani ocohanzini gorola balzij golosalba ulənzi kulturəku biuri poktowa aňgohani.

Sowet geani sarini həm hajdu-də-həm, onedu,

duəntədu, maybodu, həwəndu valzij goj-goj golosal goj-goj həsəku. Tuj tara mənə həsəzii valzemi, mənə bimi mutəj. Tuj tami. səgəzə geani rajongoani okrugagoani, valzehan həsəzini skolagoani angojni. Əsi gorodu valzij golosaldu skolawa angohani (200 skola). Cadu nucikənzənən mənə həsəziəri taceoceocij. Əgzi likpunktəwə angojni. Cadu dai naj taceocejni. Əgzi kursəwə, tehnikumbə—cadu selsowetadu zəvoj najwa, kooperatiwadu zəvoj najwa bəlirini.

Leningradadu INS bij. Cadu 700 naj taceocijl Cala ulən zəvəmziwa cendagojni. Skola likpunktə, kursə mənə bichə ana zəvəmi mutuəsi. Taceoceori dajsa mənə həsəzii ana zəvəmi mutuəsi.

Tuj tami, sowet geani sikun dajsawa naj valzehan həsəzini goro boadu, SSSR keradoani bij golosal həsəzini angomi təzəucijni. Əsi Leningradadu taceoceori dajsawa, goj-goj dajsa goj, goj golo taceocegoani əgziwə angoj. Dai gurun taceocegoani-da angoj. Təj dajsadu niruhə: honi-da selsowetadu, kooperacidu, zəvooriwa, honi-da najwa, uzimwə okceoriwa, honi-da samanzi, kulakazi, goj zəvoj sinəzi naj bajgoanzeni soreoriwa. Əwəŋki əzəsi goro boadu pakcəzi bicin gurun əgzi dajsawa bari.

Bichəwə otoleori—manya kusun. Tuj tami sowet geani həmtukə zəvoj sinəzi najwa həm otolewankecamı bichəwə (busəsimi) təzəucijni.

Sowet geani təj zovoj sinəzi gurumbə maj-garajni bichəwə otolegoani. Gean—zovoj sinəzi najnggi. Tuj tami wongodo zovoj sinəzi gurumbə otolewankicajni,—təj gurumət aŋgojni ʒuləsi biuri poktowa, zawoda, fabrika, kolhosa, sowhosa, həm cadu zovoj sinəsi naj-male.

Əsi aŋgaza naj, sinəzi naj, zovoj naj, həm hamaca-da skoladu taceocewandi. Sowet geani ələŋguzi təzəucijni sinəzi, aŋgaza gurumbə skoladu taceocegoani zehawa burini. Əzən biduəni hangisi bici—zehakuzi taceoceori bici. Uwuj skoladu sinəzi naj purijni taceoceasi bici, bajan naj purijnni-gdəl taceocij bici—kapitalista, kulaka, bacika purijni taceocij bici. Əzən geani mənə agdacaj naj purigbani taceoceha. Təj gurun purijni ʒangensal osi bici, əzən geambani zapacaj bici.

Sowet geani goro boadu, SSSR keradoani bij golosaldu skola-gdal bıəsi aŋgoj. Sowet geani təj golosaldu kulturəwə goj ərdənzi aŋgojni—kultbazowa, holaori ʒowa, səgzə ʒowa, ənusij najwa okceori ʒogva, uzimbə okceori guci goj goj hajwa-də-həm okceori ʒosalba aŋgojni. Sowet geani usəltə uziuri ʒogva aŋgojni. Təj ʒogdu taceoceoni hamaca-da usəltəwa honi-da uziuriwə. Kolhosawa sowhosawa aŋgojni. Cadu balana pakcezi bici gurumbə taceoceoni honi-da ʒuləsi biuri poktowa aŋgouriwa.

Təj doreandoani əsi sowet geani pakcezi

gurun boadoani zawodawa, fabrikawa aŋgojni. Təj zawodadu, fabrikadu əgzi najsal zovozaral. Turimbə seaguj, tətuguj əgzi bazaral. Cazı pakcezi bici gurumbə biwəni ulən ocogosara.

Tamaca hərdənzi sowet geani SSSR kerdənzi bij golosal balzewani kulturəku opanzeni.

Goro boadu bij zovoj sinəzi gurun sowet geambani bələciuri.

Sowet geani əmucən zovojni manga. Həm 3uəje tojingga ajgaṇawa sajahambi əmucən aŋgomi mutuəsi. Goro boadu balzij gurun biwəni ulənzi aŋgomi əmucən mutuəsi. Təj gurun mənə ulənzi bələciuri ulən poktola balzeguj mənə selsowetai, goj goj organizasiı ulən zovojwani bələciuri. Selsoweta, skolawa, holaori 3owa, likpunktəwə əgziwə aŋgoori. Həm ulənzi taogoari, zovogoani, zehagoani buuri. Ulən taceori najwa, ulən goj zovoj najwa sonzoori. Ulənzi zovogoani selsowet ulən icəzəuri. Selsoweta cu mangə təzəuciuri skola internata zovojwani—nuci gurun həm bichəwə otoləgoani, nucikənzuən ulən tətuəi, ulən seaori tagoani. Bichəwə otoləasi najwa taceoceori hopamva aŋgoori dai gurumbə tacecegeoani. Selsowet zehawa gələj goani, zeha abani osini, mənə selsowet zovomzilaj buuri zovoj najwa (likwidatorba). Tuj tara ehondu

bij gurumbə əgziwə alosimi likpunktadu taceoceombori. Likpunktta zovomvani komsomol maŋga bələciguəni.—Likpunktawa nehaleori-du komsomol bələci. Otoleasi najwa, ɳaŋga otolij najwa komsomol alosimi likpunktaci taceocendagoani.

Rajondu bij partija jacejkani selsoweta, skola, likpunktta, holaori zo zovojwani həm taodaj, həm ɳoani-male bajtani. Partija jacejkani partija boŋgomzizii həm bələci, skolawa, selso-wetawa, likpunktəwə həm bələci. Partija jacejkani partija geambani təj maŋgazı icəzəjni haŋgisi naj tajwani—kulaka, saman puriŋni sinəzi naj puriŋduni ulənzi tətuwənziwəni, ɜəruwənziwəni; nuci, dai gurumbə kusunzi skolaci, likpunktəci puŋnəjwəni.

Buə gələuri mənə kaltazeleri zovoj sinəzi gurumbə kulturəzi balzegoani, kolhosanjka-salba, wajcaj najwa, oromva uzij najwa ulən biuri, bichə otoleoriwə, cası zuləsi vipuguəci, poktogoaci angoori.

Buə gələuri hanpaŋgooriwa, muəguəriwə bajən gurun kaltazewani. Buə həm gəsə zovoori, həm gəsə sowet geambani bələciuri.

Buə cawa kusunziəri turgən aŋgomi həzə-zaru.



30 коп.

На нанайском (гольдском) языке

Н. Павленко

УЧИТЕСЬ ГРАМОТЕ

Перевод Б. Ходжера, под редакцией Т. Петровой